

重脩浙江通志稿

第八冊
地理

重修臨邑縣志

重脩浙江通志稿

第八冊地理

甬江

甬江 左傳越滅吳請使吳王居甬東北為甬之名所自始一名鄞江以縣得

名上源有二一出餘姚縣曰姚江一出奉化縣曰奉化江

姚江源出上虞縣之象田山一嘉泰會稽志象田山周回四十里上有舜井

蓋以舜耕遺跡得名一曰玉帶溪東北流約十八里至老通明閘以下曰通

明江其北有四十里河西由梁湖填承曹娥江之水隨庵南注玉帶溪自通

明閘更東北流一水深七尺闊五丈一十一里餘過永思橋入餘姚縣境乃

稱姚江北流轉西北三里餘至下埧西受十八里河之水一在上虞縣為四

十里河一又曲曲東北流約十五里至曹墅橋一水深一丈三尺闊二十二

丈一有馬渚橫河自西北來注之

馬渚橫河一名曹墅港自上虞縣曹娥江百官堤分出此地有百官鎮相

傳辟避丹朱於此百官從之故名一東北流納象小溪北連小越湖及牛

山東西二泊南連白馬湖一湖周十一里面積五里嘉泰會稽志水經注

名白馬潭深無底創湖之始邊塘屢崩百姓以白馬祭之因名邑人陳春

淵捐資設中學於此曰春暉一及東西二泊湖杭甬鐵路緣之而行橫貫

縣之北部凡二十五里入餘姚縣境又東北流二里半至跨湖橋一水深

一丈二尺闊十四丈五尺。其南為牟山湖。一周二十里。面積二十二里。一又東北流約五里至獅山橋。水深一丈二尺。闊十五尺。有鴛山湖。水出青山港來注之。湖周二十里。面積二里。中有小山名湖山。一又東流四里至馬渚鎮。水深九尺二寸。闊七丈五尺。有長冷港自東北來注之。

長冷港起於利濟塘南之周家路。南流。以次會東西各小水。約十里至埋溝橋。水深五尺。闊二丈。分一支東流為大塘港。自行入海。正幹又向南流十七里至劉古木橋。分一支東流為合山港。正幹再西南流三里餘至胡盧橋。水深七尺。闊六丈。又西南流約三里入馬渚橫河。

馬渚橫河又東南流六里餘至陡門埭。以下亦稱潮水。又東南流二里餘入姚江。

姚江又東流少南約九里至蘭墅橋。南受蘭墅港分支北來之水。又流流迤北二里餘至仁壽橋。此處又名蕙江。分一支北流為合山港。又東流里餘至通濟橋。橋在南北兩縣城之間。亦名舜江。水深一丈四尺。闊十六丈。又東流過汪姓橋。分一支北流為劍港。又東流約三里至黃山港口。水深一

丈七尺闊二十六丈。分一支北流為東橫河。

東橫河一名石塘橫河。自姚江分出北流三里而至後橫潭港。水深一丈三尺。闊十三丈。西受剡港之水。北流過客星橋。一橋在客星山下。傍有嚴陵塢。十道志嚴子陵避光武聘處。山與橋皆因以名。至泰堰橋約十九里。水深一丈。闊九丈。有燭溪湖水自南來注之。湖周十九里。面積二十里。名勝志舊經云。昔人迷失道。忽有二人執燭夾溪行。乃因得路。故名。又東北流約十里至埋馬市。水深九尺。闊八丈五尺。西北受虞波港之水。又東北九里餘至游涇橋。南受游涇港之水。又東北流約六里。南受上林湖之水。湖周十里。面積七里。又東流迤南約八里入慈谿縣境。滙洋浦之水。北流入海。

姚江正幹又東流有蘭墅港自西來注之。

蘭墅港源出破嶺。東流分一支北入姚江。正幹再東至南縣城之南有橫溪自南來注之。

橫溪源出分水岡。西北流西受萬太塢之水。轉東北流至屏風山之北。東受剡湖山之水。轉西北折北流至西河。南有桃花嶺之水。挾其支流。觀音山之水自西南來注之。又北流至河西。南入蘭墅港。全長三十一

里蘭登港又東流約二里名竹山港一水深一丈二尺闊十一丈一又東流折北三里餘入姚江

姚江又東流迤東南轉東凡五里半至界橋接慈谿縣境為兩縣之界河以下亦名文亭江東南流折西轉南又折東成一大曲又曲曲東南流至大橋有官船浦自南來注之

官船浦源出慈谿縣南之大蛟山曰藍溪西北流西南受石筍山之水又西北流西南受五台山之水又西北流至夾波橋西南受楊溪之水又北流至界石橋接餘姚縣境自發源至此凡二十五里半入餘姚縣始名官船浦西北流折北凡三曲至周家埠北有分水岡之水自南來注之

分水岡水源出分水岡東流折西北又轉東北凡二十八里至姜家灣又直向北流八里餘入官船浦

官船浦又北流入姚江一水深一丈二尺闊十二丈一

姚江又東流折南六里餘始全入慈谿縣境東流曲曲至郭姆渡一水深二丈三尺闊三十四丈一有漁溪自此來注之

漁溪源出茅山南流迤西南約十四里至陳村北受遂魂山之水又西南流約六里至趙家岡北受石門山之水折南流曰朱家浦約五里而入姚

江一與地紀勝謂清潭見底鱗介不潛即此溪一
姚江又東北流折東南五里餘至丈亭鎮以上為丈亭江以下為前江一江
闊四十九丈一有後江水東來注之

後江水源出小桃花嶺與鎮海縣接界東南流十二里曰橫溪又曲曲東
南流越鎮海縣境後至本縣境之黃沙閘橋又西南流至茅江橋共十七
里以上一名香山港東受鎮海縣中大河之水一名東大河又西北流五
里餘至長石橋市分一支南流為樟橋港再西流里餘至黃楊橋東有汶
溪自西北來注之

汶溪源出余家嶺東南流至黃沙閘北受石柱嶺之水又東流至汶溪
市北受李居山之水再東南流入後江共二十一里

後江又南流里餘至化子閘以上亦稱東大河以下乃名後江西南流九
里餘至吳社橋分一支南流為潺浦一據縣人言後江本為丈亭江之分
流所以分汶姚江之水東注之海者也後以化子閘建蓄淡禦鹹於是後
江之水潮落時逆流而西與丈亭江合流而入甬江一又西流約八里至
縣治東南之夾田橋分一支南流為管山浦又分一支北流入縣治正幹
再西流過縣治之南凡四里餘至太平橋分一支南流為張家浦正幹西

北流五里餘至皇橋浦口有長溪自北來注之

長溪源出長溪嶺東南流受通天嶺東來之水折西南流至浮上橋分東西二支皆南流並行入後江

後江又西流十一里半至吳澤浦口一水深一丈三尺闊三十八丈一有白龍溪自北來注之

白龍溪源出五磊山一縣志五峰累累相比一南流折西南約十六里至石步廟折南流九里餘至東莊橋以下一名吳澤浦又南流五里入

後江

後江又西流約四里至祝家渡一水深一丈七尺闊三十九丈一又西流七里入姚江

姚江自此以下稱前江對後江而言前江既納後江之水折而南又折而東其後江相隔十許里似並行而潮流相背潮落之時前江東流後江西流潮漲則反是前江為鹹潮後江為淡潮二江之間港汊甚多近前江處多以埧閘斷之所以蓄淡而利灌溉也自丈亭鎮南流西受蓋溪分支之水東南流至車廐市一水深四丈三尺闊六十一丈一有車廐溪自南來注之

車廐溪源出姥嶺一下為車廐山會稽記云越王句踐於此置廐秣馬遺

跡猶存一東北流南受朱家山之木又東北轉西迤北入姚江長十四里姚江又東流約十五里至顧角嶺有大隱溪自西南來注之

大隱溪即慈谿縣之所以得名也一純德錄漢董黯早孤事母惟謹母疾思大隱溪水達莫時至乃築室溪濱板輿就養疾瘳乃歸因名慈溪縣名谿本作溪明永樂中改谿一源出石人山東北流十七里至竺隱庵前有烏岩溪自西南來注之

烏岩溪源出烏岩山在鄞縣界上北流十里西受大坂山之水又西北流十六里入大隱溪

大隱溪又西北流經釣魚山此一成化群志上有釣台相傳謝靈運嘗釣於此一入姚江

姚江又東南流四里餘至楮山渡一嘉靖府志楮山土色赤絕頂有龍漱一又東南五里至九里浦北受後江分支張家浦之水一水深二丈六尺闊八十七丈受水處有堰因後江狹鹵也下同一自此東流為典鄞縣界河乃名甬江東流三里餘有管山浦分後江之水自此東注之又東南流十八里至潺浦埧有潺浦分後江之水自此東注之一水深二丈三尺闊五十五丈一又東南流迤東北約十里至李碶渡有梓橋港自此分後江上流東大河之

水來注之。又東北流折東南四里餘至梅林堤為鎮海鄞縣慈谿三縣交界地對岸即鄞縣之灣頭地也。自此以下全入鄞縣境。西南流折南約七里至北郭堤有南塘河下流之北斗河自西南來注之。

南塘河源出四明山東北流曲曲折東南約三十三里至蜜岩街西北受官船浦分支之小皎橋水又東南流迤東北約二十二里至惠明橋分支北流為裏弄港正幹又南流轉東北約四十二里至縣治南門外分支入城中注為日湖月湖。一日湖在縣署南唐地理志載鄞縣下注云南二里有小江湖太和中令王元暉置即日湖也。月湖在縣署西南輿地紀勝湖中汀洲島嶼凡十四時之景不同游賞特盛於春夏飛蓋成陰畫船漾影無虛日也。最近出版之縣圖不載日湖似已淤。正幹自南門西北流至西門外有西塘河自西來注之。

西塘河源出硤石嶺在慈谿縣界上曲曲東南又東北流約二十七里至將軍山前分支東流為西中塘河正幹再東北流十八里至石塘市分支北流為九里浦入甬江正幹再東南流折東至高橋鎮西南受南塘河分支之裏弄港又東流十里餘至望春橋市有新塘河分支裏弄港之水自南來注之。又有分支之西中塘河自西南來注之又東流五里

至西門外入南塘河

南塘河自此以下又名北斗河又東流入甬江

甬江又東南流繞城東北至新江橋東一水深三丈八尺闊七十六丈一北岸舊闢商埠為五口通商之一所謂江北岸是也南會奉化江

奉化江源出奉化縣西之六詔嶺與新昌嵗縣相接一府志相傳王右軍嘗隱此曾六詔起之故名舊作陸照者誤一東北流曰剡溪東流七里有剡界嶺之水自南來注之一戴良剡源記奉化之西六十里有山夾溪而出蔚然森茂者剡源山也以其近剡故名之一又曲曲東北流二十八里至太公山南麓有北剡自西北來注之

北溪源出鄞縣四明山南流入境西受梨洲山西來之水一名勝志晉時孫興公與兄承公同遊至此偶得梨數枚左右環視莫見其跡意以為仙物也故號其地曰梨洲山明季黃宗羲以此自號一東北流迤西南共十九里至西山南麓折南流又折西北再折西南又轉東南再曲曲南流凡二十八里至西興坑村分支東南流正幹則曲曲南流過西晦嶺東麓分支東流轉東北合於西興坑村之分支正幹再東南流至胡村有晦溪自西來注之

晦溪源出西晦嶺之西麓（西晦嶺與大晦嶺亦並稱大小晦山四明洞天丹山圖詠集曰宗應則入山境色秀麗既而晦冥故曰大小晦嘉靖府志大小晦山即四明山南來之兩峰也）東南流迤東受白眼坑山西南來之水入於北溪

北溪又東北流南受桃蓬嶺之水過大晦山南北受西畧坑村分支之水又受雪竇大嶺之水（雪竇嶺別詳名勝篇）再東流注于剡溪

剡溪又東流過樊村渡（水深三尺闊十三丈）至同山西北麓有棠溪自西南注之

棠溪源出許家嶺東南流轉東過梅山北麓（延祐四明志晦山或謂梅福曾遊此故名）折而北流又迤東北東南受日嶺之水西受湖山之水（一府志湖山在縣北二十里剡溪繞後湖水繞前故名）又東北入剡溪地名溪口公路徑之武陵小學在焉

剡溪又東北流分支東流而又分南北兩支正幹再東北十四里南受分支之北支至江口市受縣溪之分支而與鄞縣分界始名奉化江即鄞江也又東北流約十四里均為鄞奉兩縣界河西岸疊受南塘分支之水東岸疊受縣河分支之水至三江口（水深三丈闊四十二丈）有金溪水自東南來

注之

金溪源出仇家山東北流折西北十三里至獅子山北麓分一支西南流為黃蘗溪入象山港正幹北流迤東北十二里餘至白杜鎮北分支北流為鄞奉橋水入鄞縣至銅盆浦正幹折西流十里至居敬橋有自排溪分出之水自西南來注之又西北流至山隍橋市之東南為鄞奉兩縣之界河北流十二里分支北入鄞江正幹西北流至方橋市有縣溪自南來注之

縣溪源出橫溪嶺在縣之西南境新昌寧海兩縣界上曲曲北流轉東北二十一里餘至拜祭嶺下東南受白岩頭山之水折北流六里餘至田墩王村西受新昌縣後溪之水而與曹娥江通正幹折東流十一里至大堰街之西受領樹嶺北來之水折東北流十二里餘至汪村有謝家山之水北流折東轉南又迤東凡二十餘里來注之再曲曲北東流九里至埠頭董村西受常明山之水再東北流三十二里過奉化山西麓一嘉靖府志奉化山一名瑞峰山特起周回三十里四面皆異名東為姥姥山西為龍潭山頂有龍潭南為吳郎山即俊潭山北為南山元史載奉化山石裂即此一而至縣治東之新橋縣溪之所以得名有西

四
卷之六
畧山之水東流迤東南過縣治之南日嶺山之水東流過縣治之北折南過縣治之東皆注於縣溪縣溪又東北流六里至岳林寺北分一支西北流又折東北更分數支西入剡溪正幹又東北流四里至金鐘墩橋有排溪自東南來注之

排溪源出杉樹嶺接寧海縣界上東北流約三十三里至馬鋪橋西有馬鋪山之水東挾雲蓋嶺之水自南來注之溪水於此收為二後合為一以下因有雙溪之名又北東流十二里過奉化山東麓至井亭前分一支東南流折北再折東至居敬橋入金溪正幹西流折北至縣治東與縣溪通又折東流至沈家橋分一支東流與前之分支會正幹又西流五里入縣溪

縣溪又曲曲北東流二十二里入金溪

金溪又西北流一里餘入鄞江

鄞江再東北流二里至北渡輿一水深一丈八尺闊三十五丈一自此而下全入鄞縣境一亦有稱為蘭江者以鄞西來源之一支與四明大蘭山桐相接也一南受金溪分支之水又東北流十六里成數大曲至銅盆浦口一水深三丈八尺闊六十八丈一東南受銅盆浦之水又曲曲北東流二十七里

餘至六十里前有前塘河自東來注之

前塘河源出道陳嶺在奉化縣界上北流西受東峰山幹支之水迤東北流至馬嶺山東麓東受白雲山之水又東北流至雲龍磯市共四十一里餘東受東錢湖溢出水西分一支為銅盆浦水

東錢湖為鄞縣大湖周六十三里面積九十方里一名黃金湖唐時縣治尚依剡山故亦有西湖之名四面環山受七十二溪之水中有八面毛竹陶公諸山一名勝志陶公山在東錢湖中世傳陶朱公嘗隱於此有釣魚城在焉故名一近東岸又有霞嶼山孤立湖中頗擅風景其水自韓嶺鎮南溢者東南入海西溢者則入前塘河銅盆浦水自前塘河分出曲曲西北流二十三里餘至更樓埧北有鄞奉橋水自南來注之

鄞奉橋水自奉化縣分金溪之水北流六里至鄞奉橋入鄞縣境因有鄞奉之名北流折西又折北凡二十八里而入銅盆浦

銅盆浦水又西北一里入鄞江

前塘河自分銅盆浦後再西北流約十七里至橫石橋有東中塘河分東錢湖之水西北流十六里來注之又西流四里餘至和安橋前有後塘河

自北來注之

後塘河源出太白山。一、迎祐四明志：太白山在縣東六十里，視諸山為最高，嶺有龍池，旱乾必禱焉。或曰：山以太白星得名。又曰：近有小白嶺，故此為太白，非太白也。一、東南流過天童寺前。一、清一統志：天童寺在鄞縣天童山西太白山中。晉時僧義興結屋山間，有一童子日給薪水，後童辭去，曰：吾太白星也。言訖不見。後世就址建寺，因名天童。清順治間，賜名宏法。一、折南流轉西約十二里，至西成橋，南受三溪浦之水，再折西北十一里半，至大涵山橋。一、咸化四明群志：大涵山在東錢湖北，瀕水而考天霽風晴，則水光山色上下相映。一、分支西流，正幹折東北，過鄞山東南。一、方輿紀要引舊志：昔海商貿易於此，後加邑從鄞秦治，望於此，句留月餘，因置鄞縣。一、折西北流，至寶幢市，有阿育王山之水，自東來注之。一、阿育王山，即鄞山。志云：西晉太康間，有劉薩訶者，神人指示云：會稽有阿育王寶塔，汝往頂禮。於是薩訶精誠敬禮，至於鄞山，忽一夜寶塔從地涌出，舍利騰輝。阿育王造八萬四千塔，此其一也。後人因名阿育王山。一、又西北流五里餘，至五鄉磯市，分一支出五鄉磯，西北流折而東北，入鎮海縣境，為小決江，正幹又西流二十三里餘，至